

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 112, stav 2. Poslovnika Skupštine Zeničko-dobojskog kantona - Novi prečišćeni tekst (“Službene novine Zeničko-dobojskog kantona”, broj: 7/12), razmatrajući Inicijativu da se 29. oktobar proglasi kao Dan civilnih žrtava rata Zeničko-dobojskog kantona koja je pokrenuta na 37. sjednici Skupštine Zeničko-dobojskog kantona od 22.05.2013. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 14. sjednici, održanoj dana 11.06.2015. godine, d o n o s i

ZAKLJUČAK

I.

Prihvata se mišljenje Ministarstva za rad, socijalnu politiku i izbjeglice da se 29. oktobar proglasi kao Dan civilnih žrtava rata Zeničko-dobojskog kantona i čini sastavni dio ovog Zaključka.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/15.
Datum, 11.06.2015. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine Zeničko-dobojskog kantona,
1x a/a.

Obrazloženje

Pravni osnov:

Pravni osnov za donošenje ovog Zaključka sadržan je u članu 16. stav 4. Zakona o Vladi Zeničko-dobojskog kantona – Prečišćeni tekst (Službene novine Zeničko-dobojskog kantona”, broj: 7/10).

Razlozi za donošenje zaključka:

Stručna služba Skupštine Zeničko-dobojskog kantona je aktom, broj: 01-41-02-12125-9/15 od 11.05.2015. godine, a vezano za ranije podnesenu inicijativu poslanika Kadrić Nermin da se 29. oktobar proglasi kao Dan civilnih žrtava rata Zeničko-dobojskog kantona sa 37. sjednici Skupštine Zeničko-dobojskog kantona, održane 22.05.2013.godine, upoznala ovo Ministarstvo da je navedena inicijativa uvrštena u Program rada Skupštine za 2015. godinu.

Obzirom da u skladu sa Zaključkom Vlada Zeničko-dobojskog kantona, broj:02-41-15268/13 od 10.07.2013. godine, nisu bili usaglašeni stavovi Udruženja civilnih žrtava rata Maglaj i Općinskog udruženja građana i članova porodica civilnih žrtava rata Zenica, Ministarstvo za rad, socijalnu politiku i izbjeglice je koordiniralo i provodilo potrebne aktivnosti na usaglašavanju stavova udruženja po pitanju datumu obilježavanja Dan civilnih žrtava rata Zeničko-dobojskog kantona. Nakon svih provedenih aktivnosti ovo Ministarstvo je sačinilo Mišljenje o realizaciji inicijative da se 29. oktobar proglasi kao Dan civilnih žrtava rat Zeničko-dobojskog kantona.

Imajući u vidu da je Ministarstvo sa predstavnicima Udruženja civilnih žrtava rata Maglaj, Općinskog udruženje građana i članova porodica civilnih žrtava rata Zenica i novoformiranog Udruženja građana civilnih žrtava rata općine Doboj Jug konačno uspjelo da postigne usaglašenost stavova po pitanju istog datuma za obilježavanje Dana civilnih žrtava rata Zeničko-dobojskog kantona, predlažemo Vladi Zeničko-dobojskog kantona da usvoji ovaj zaključak.

Finansijska sredstva:

Za donošenje i provođenje ovog Zaključka nisu potrebna finansijska sredstva.

Zenica, 03.juni 2015. godine

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA RAD,
SOCIJALNU POLITIKU I
IZBJEGLICE
ZENIČKO-DOBOJSKI KANTON
VLADA
n/r Premijera
n/r Sekretara



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF LABOR, SOCIAL
AFFAIRS,
THE DISPLACED & REFUGES

Broj: 09-35-12125-9/13
Zenica, 03.06.2015. godine

PREDMET: *Realizacija inicijative da se 29. oktobar proglasi kao Dan civilnih žrtava rat Zeničko-dobojskog kantona*, mišljenje, d o s t a v l j a s e

Inicijativu da se 29. oktobar proglasi kao Dan civilnih žrtava rata Zeničko-dobojskog kantona pokrenuo je poslanika Kadrić Nermin na 37. sjednici Skupštine Zeničko-dobojskog kantona, koja je održana 22.05.2013. godine. Na ovu poslaničku inicijativu Ministarstvo za rad, socijalnu politiku i izbjeglice je dalo Mišljenje broj:09-41-12125-1/13 od 26.06.2013. godine, na način da se pokrenuta inicijativa podržava u dijelu da se proglasi Dan civilnih žrtava rata Zeničko-dobojskog kantona i da je potrebno da se o datumu obilježavanja ovog dana očituju i druga općinska udruženja civilnih žrtava rata sa našeg Kantona te da Općinsko udruženje civilnih žrtava rata Maglaj treba u koordinaciji sa drugim postojećim udruženjima civilnih žrtava rata usaglasiti stav o datumu koji bi se proglasio kao Dan civilnih žrtava rata Zeničko-dobojskog kantona. Ovo Mišljenje, Vlada Zeničko-dobojskog kantona prihvatila je Zaključkom broj:02-41-15268/13 od 10.07.2013. godine. Prema aktu Ministarstva za pravosuđe i upravu, broj: 06-05-1215-6-1/13 od 26.03.2014. godine, u to vrijeme na području Kantona bili su registrovani samo Udruženje civilnih žrtava rata Maglaj i Općinsko udruženje građana i članova porodica civilnih žrtava rata Zenica. Obziroma da ova udruženja nisu mogla postići saglasnost oko datuma obilježavanja Dana civilnih žrtava rata Zeničko-dobojskog kantona, ovo Ministarstvo je koordiniralo i nastojalo da ova udruženja usaglasie ovaj datum. U cilju približavanja stavova, u Ministarstvu je održan sastanak sa predstavnicima pomenuta dva udruženja kojem je prisustovao, pokretač inicijative, poslanik Nermin Kadrić i poslanica Emina Husejnspahić. Tokom sastanka vođena je šira diskusija i na kraju je doneseno više zaključaka o čemu je sačinjen zapisnik od 25.08.2014. godine. Jedan od zaključaka je bio da Ministarstvo mišljenje i inicijativu uputi u predloženom tekstu u dalju proceduru i da istu razmatra Skupština Zeničko-dobojskog kantona. Shodno tome, ovo Ministarstvo je dostavilo Mišljenje broj: 09-41-02-12125-8-1/13 od 04.09.2014. godine koje je Vlada Zeničko-dobojskog kantona prihvatila Zaključkom broj:02-01-18191/14 od 12.09.2014. godine i uputila u skupštinsku proceduru.

Međutim, ovu Inicijativu nije razmatrala Skupština u predhodnom sazivu, zbog čega su pokrenute aktivnosti na realizaciji Inicijative i njenom uvrštavanju u Program rada Skupštine za 2015. godinu. Kako bi se pristupilo realizaciji predložene Inicijative ovo Ministarstvo dodatno je kontaktiralo i koordiniralo predstavnike dva navedena udruženja te imalo više kontakata i više aktivnosti na približavanju i usaglašavanju stavova oko datuma obilježavanja Dan civilnih žrtava rata. Na tragu rješavanja Inicijative, u Ministarstvu je održan i drugi sastanak sa predstavnicima pomenuta dva udruženja kojem je prisustovala i Presjedavajuća Skupštine. Također, na ovom sastanku je vođena šira diskusija i na kraju je doneseno više zaključaka i sačinjen zapisnik od 24.04.2015. godine. Međutim, ni ovaj put nije postignuto usaglašavanje po pitanju datuma obilježavanja Dan civilnih žrtava rata u našem Kantonu. U nastojanju da se postigne saglasnost udruženja, ovo Ministarstvo je imalo dodatne sastanke i koordiniralo predstavnike udruženja te konačno uspjelo da postigne usaglašenost stavova pomenuta dva udruženja i u međuvremenu,

новоformiranog Udruženja građana civilnih žrtava rata općine Doboj Jug po pitanju istog datuma za obilježavanje Dana civilnih žrtava rata Zeničko-dobojskog kantona.

Imajući u vidu do sada realizovane aktivnosti Ministarstvo za rad, socijalnu politiku i izbjeglice Zeničko-dobojskog kantona daje sljedeće:

MIŠLJENJE

Ministarstvo za rad, socijalnu politiku i izbjeglice podržava da se 29. oktobar proglasi kao Dan civilnih žrtava rata Zeničko-dobojskog kantona, obzirom da je ovaj datum predložen i usaglašen od registrovanih udruženja sa područja Kantona: Udruženja civilnih žrtava rata Maglaj, Općinskog udruženje građana i članova porodica civilnih žrtava rata Zenica i Udruženja građana civilnih žrtava rata općine Doboj Jug. S tim u vezi, predlažemo da Vlada prihvati ovo mišljenje i da Skupština proglasi 29. oktobar kao Dan civilnih žrtava rata Zeničko-dobojskog kantona.

Prilog:

- Mišljenje, broj:09-41-12125-1/13 od 26.06.2013. godine
- Zaključak Vlade, broj:02-41-15268/13 od 10.07.2013. godine
- Zapisnik o održanom sastanku od 25.08.2014. godine
- Mišljenje, broj: 09-41-02-12125-8-1/13 od 04..09.2014. godine
- Zaključak Vlade, broj: 02-01-18191/14 od 12.09.2014. godine
- Zapisnik o održanom sastanku od 24.04.2015. godine
- Prijedlog obilježavanja Dana CŽR-a ZE-DO kantona od Udruženja civilnih žrtava rata Maglaj, broj: 87-02/2015 od 08.05.2015. godine
- Zaključak Upravnog odbora Općinskog udruženje građana i članova porodica civilnih žrtava rata Zenica, broj: 24/15 od 18.05.2015. godine
- Prijedlog obilježavanja Dana CŽR-a ZE-DO kantona od Udruženja građana civilnih žrtava rata općine Doboj Jug, broj. 04-05/15 od 09.05.2015. godine.